

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10 i 3/23), a u skladu sa Programom utroška sredstava u razdjelu 21 - Ministarstva zdravstva na poziciji „Transfer drugim nivoima vlasti“ – „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“ - Izvor 10 Budžeta Zeničko-dobojskog kantona za 2026. godinu („Službene novine Zeničko-dobojskog kantona”, broj: 4/26), na prijedlog Ministarstva zdravstva, Vlada Zeničko-dobojskog kantona, na 127. sjednici, održanoj 30.04.2026. godine, d o n o s i

## **O D L U K U**

### **o odobravanju sredstava JU Institut za zdravlje i sigurnost hrane Zenica za sufinansiranje razvoja promotivnih i preventivnih aktivnosti zdravstvenog sektora u 2026. godini**

#### **Član 1.**

##### **(Predmet)**

Odobravaju se sredstva JU Institut za zdravlje i sigurnost hrane Zenica u iznosu od 100.000,00 KM (slovima: stotinhiljada konvertibilnih maraka) za sufinansiranje razvoja promotivnih i preventivnih aktivnosti zdravstvenog sektora u 2026. godini:

- a) dentalni pasoš - sistem generacijske prevencije i zaštite oralnog zdravlja u Zeničko-dobojskom kantonu,
- b) program podrške ranom rastu i razvoju djece i edukacija roditelja i osoblja u odgojno-obrazovnim ustanovama na području Zeničko-dobojskog kantona - Alarmi u razvoju djeteta,
- c) skrining osteoporoze primjenom ultrazvučne denzitometrije petne kosti,
- d) preventivni program ranog otkrivanja zloćudnih tumora kože na području Zeničko-dobojskog kantona,
- e) aktivna škola - pokretom do zdravlja - Razvoj i implementacija sistemskog modela promocije fizičke aktivnosti i rane prevencije oboljenja kod djece školskog uzrasta.

#### **Član 2.**

##### **(Analitička konta)**

(1) Sredstva iz člana 1. ove odluke isplatit će iz Budžeta Zeničko dobojskog kantona za 2026. godinu („Službene novine Zeničko-dobojskog kantona“, broj: 24/25 i 5/26), sa razdjela 21 - Ministarstvo zdravstva, budžetska organizacija 01, potrošačka jedinica 0001, ekonomski kod 614100, subanalitika LAX016, pozicija „Tekući transfer za JU Institut za zdravlje i sigurnost hrane – Razvoj promotivnih i preventivnih aktivnosti zdravstvenog sektora“.

(2) Sredstva odobrena Odlukom će se transferisati na transakcijski račun Instituta za zdravlje i sigurnost hrane Zenica, broj: 1995130020696511, otvoren kod Sparkasse bank, na osnovu ove odluke.

#### **Član 3.**

##### **(Provođenje Odluke)**

Za provođenje ove odluke zadužuju se Ministarstvo zdravstva, Ministarstvo finansija i JU Institut za zdravlje i sigurnost hrane Zenica, svako u okviru svoje nadležnosti.

**Član 4.**  
**(Izvještavanje)**

(1) JU Institut za zdravlje i sigurnost hrane Zenica dužna je izvijestiti Ministarstvo zdravstva o namjenskom utrošku sredstava, dostavljanjem izvještaja o utrošku sredstava za realizaciju programa za 2026. godinu do 31.01.2027. godine.

(2) U slučaju nepostupanja prema članu 4. stav (1) ove odluke, JU Institut za zdravlje i sigurnost hrane Zenica je dužna odobrena sredstva uplatiti u korist Budžeta Zeničko-dobojskog kantona.

**Član 5.**  
**(Stupanje na snagu)**

Odluka stupa na snagu danom donošenja i bit će objavljena u „Službenim novinama Zeničko-dobojskog kantona“.

Broj: 02-11-8899/26

Datum, 30.04.2026. godine

Zenica

**PREMIJER**  
**po ovlaštenju**

*Mirza Mušija*

DOSTAVLJENO:

1x Ministarstvo zdravstva,

1x Ministarstvo finansija,

1x JU Institut za zdravlje i sigurnost hrane Zenica,  
putem Ministarstva,

1x „Službene novine Zeničko-dobojskog kantona“,

1x a/a.